

Na osnovu Uredbe o načinu dodjele prava na vađenje materijala iz vodotoka («Službene novine Federacije BiH», broj 58/15) i Odluke Ministarstva za poljoprivredu, šumarstvo i vodoprivredu Zeničko-dobojskog kantona, broj: 05-21-1353-4/21 od 03.12.2021. godine, o utvrđivanju potrebe za vađenje materijala iz vodotoka, donesene na temelju izvršenog uviđaja na predmetnom lokalitetu, Ministarstva za poljoprivredu, šumarstvo i vodoprivredu raspisuje:

**JAVNI POZIV
ZA DOSTAVLJANJE PONUDA ZA VAĐENJE MATERIJALA IZ RIJEKE STAVNJE
NA PODRUČJU OPĆINE BREZA**

1. PREDMET JAVNOG POZIVA

Predmet javnog poziva je dodjela prava za vađenje materijala iz rijeke Stavnje u naselju Vrankamen, općina Breza, na lokalitetu „Sedra“ (k.č. 918 u K.O. Sutješćica i 1205 u K.O. Slivno) u ukupno procjenjenoj količini od cca 600 m³ materijala za vađenje.

Razlog vađenja materijala je održavanje vodotoka i vodnog dobra, obezbjeđenje kapaciteta proticajnog profila, te onemogućavanje neželjenog meandriranja korita sa erozivnim procesima i preduzimanje preventivnih mjera zaštite od poplava.

Predviđeni rok početka vađenja materijala: po potpisivanju ugovora i uvođenja izvođača u posao.

Predviđeni završetak vađenja materijala: u skladu sa dinamikom utvrđenom u Elaboratu za vađenje materijala iz vodotoka.

Uslovi tehničke osposobljenosti izvođača radova su:

Bager utovarivač: 2 komada
Kiper kamion: 2 komada

Podaci o izdatoj prethodnoj vodnoj saglasnosti broj: 05-21-1353-7/21 od 23.03.2022. godine.

2. USLOVI UČEŠĆA

- a. Ponuđač uz svoju ponudu treba dostaviti slijedeću dokumentaciju:
 - Naziv i tačnu adresu.
 - Ovjeren izvod iz sudskog registra sa priložima iz kojih se vidi da je ponuđač registrovan za obavljanje predmetnih radova.
 - Uvjerenje o izmirenim poreskim direktnim i indirektnim obavezama sa stanjem uplate ne starijim od tri mjeseca od dana otvaranja ponuda.
 - Potvrdu o izmirenim obavezama po osnovu posebnih vodnih naknada, koja nije starija od 30 dana od dana podnošenja zahtjeva, koju na zahtjev ponuđača izdaje „Agencija za vodno područje rijeke Save“, Sarajevo.
- b. Ponuđač treba uz ponudu dostaviti dokumentaciju kojom potvrđuje da ispunjava uslove tražene javnim pozivom za dostavu ponude – uslovi tehničke osposobljenosti izvođača radova.
- c. Podugovaranje nije dozvoljeno.

3. DOSTAVLJANJE PONUDA

- a. Ponude se dostavljaju na slijedeću adresu:

Ministarstvo za poljoprivredu, šumarstvo i vodoprivredu
Kučukovići br. 2
ZENICA

Original ponuda treba biti otkucana ili napisana neizbrisovom tintom. Svi listovi ponude moraju biti čvrsto uvezani, sa označenim stranicama. Svi listovi ponude trebaju biti parafirani ili potpisani od osobe, odnosno osoba, koje su ovlaštene da zastupaju ponuđača. Sve dopune i izmjene ponude moraju biti čitljive i parafirane od ovlaštenih osoba.

- b. Ponuđač treba dostaviti original ponudu na kojoj će jasno pisati ORIGINAL PONUDA, koju treba upakovati u neprovidnu kovertu sa pečatom ili potpisom ponuđača, imenom i adresom ponuđača, a na kojoj mora biti jasno napisana adresa Ministarstva i:

“Ponuda za vađenje materijala iz rijeke Stavnje na području općine Breza“
- NE OTVARATI -

- c. Ponuđači mogu izmjeniti ili povući svoje ponude pod uslovom da se izmjene ili povlačenje ponude dogodi prije isteka roka za dostavljanje ponuda. Ministarstvo mora biti u pisanoj formi obavješteno o izmjenama ili o povlačenju ponude prije isteka za podnošenje ponude. Na koverti u kojoj se nalazi izjava ponuđača treba pisati slijedeće: „IZMJENE PONUDE“ ili „POVLAČENJE PONUDE“.

- d. Rok za dostavljanje ponuda

- Krajnji rok za dostavljanje ponuda ističe: 05.05.2022. godine u 10:30 sati.
- Otvaranje ponuda će biti: 05.05.2022. u 11:30 sati.
- Pozivaju se ovlašteni predstavnici ponuđača da prisustvuju javnom otvaranju ponuda, koje će se obaviti dana: 05.05.2022. u 11:30 sati u prostorijama Ministarstva, Kučukovići broj 2., Zenica, 11. sprat.

4. KRITERIJI ZA DODJELU PRAVA ZA VAĐENJE MATERIJALA (UGOVOR)

Ugovor se dodjeljuje ponuđaču na osnovu kriterija najvećeg iznosa ponuđene – posebne vodne naknade (PVN) za vađenje materijala iz vodotoka, iz člana 170. stav (4) Zakona o vodama («Službene novine Federacije BiH», broj 70/06), koji se plaća po m³ izvađenog materijala, tehnički zadovoljavajuće ponude.

Visina ponuđene posebne vodne naknade (PVN) za vađenje materijala iz vodotoka ne može biti niža od 1,5 KM/m³ izvađenog materijala.

Ponuđači mogu ponuditi samo jednu cijenu. O cijeni se neće pregovarati.

5. OBAVEZE IZVOĐAČA RADOVA PRIJE POČETKA RADOVA

Prije vađenja materijala, izvođač radova je dužan:

- a. Pribaviti vodnu saglasnost.

- b. Osigurati izradu elaborata i dokumentacije koja se podnosi uz zahtjev za izdavanje vodne saglasnosti u skladu sa odgovarajućom odredbom Zakona o vodama i propisom iz člana 107. Zakona o vodama.
- c. Iskolčiti i osigurati geodetske tačke početnog snimanja za kontrolu promjene nivelete korita i količina izvađenog materijala.
- d. Riješiti pitanje imovinsko-pravnih odnosa za pristupni put do lokacije vađenja materijala iz vodotoka i za lokaciju deponovanja izvađenog materijala.
- e. Ukoliko prvorangirani ponuđač ne riješi prethodna pitanja do roka predviđenog Ugovorom o vađenju materijala, **pravo na vađenje materijala dodjeljuje se drugorangiranom ponuđaču.**

6. **OSTALE ODREDBE**

- a. Odluku o odabiru najpovoljnije ponude svi ponuđači će dobiti u svakom slučaju najkasnije u roku od 3 (tri) dana od dana otvaranja prispjelih ponuda.
- b. U slučaju da dvije ili više ponuda imaju isti ponuđeni iznos ugovor se zaključuje sa ponuđačem čija prijava je ranije zaprimljena.
- c. U slučaju da je nadležni organ u toku postupka nabavke izvršio povredu odredbi Zakona ili podzakonskih akata, ponuđači imaju pravo uložiti prigovor nadležnom organu u roku od 5 (pet) dana od dana prijema Odluke.
- d. O prigovoru rješava Ministar Ministarstva za poljoprivredu, šumarstvo i vodoprivredu, u roku od 8 (osam) dana. Odluka o prigovoru je konačna.
- e. Nepotpune i neblagovremene ponude neće se razmatrati.
- f. Sve dodatne informacije u vezi sa ovim javnim pozivom mogu se dobiti u Ministarstvu za poljoprivredu, šumarstvo i vodoprivredu, na telefon: 032 460 750, 032 460 748, fax 032 460 752 ili e-mail adresi: min.poljoprivreda@zdk.ba.



OBRAZAC PRIJAVE PONUĐAČA
Vađenje materijala iz rijeke Stavnje u Brezi

Naziv ponuđača: _____

Redni broj	Opis stavke	Visina PVN/m³
1.	Vađenje materijala iz rijeke Stavnje u naselju Vrankamen na lokalitetu „Sedra“ (k.č. 918 u K.O. Sutješćica i 1205 u K.O. Slivno), općina Breza, u ukupno procjenjenoj količini od cca 600 m ³ materijala za vađenje.	

Slovima: visina PVN/m³ _____

Potpis ponuđača: _____